

De vrömde envelop

Schreven deur Alyscha, obs De Flint, leghaar

Het is maondagmörge. De schoel giet weer begunnen nao een lang weekend.

Lisa is veural bar zenuwachtig. Ze appt heur schoelvriendinnegies Marieke en Elisa. Maor die vunden het raor want waarom zul Lisa nou zenuwachtig wezen?

As Lisa, Marieke en Elisa op schoel komt hebt ze nog een uur de tied umdat heur les oetvallen was. Daorum wilt Marieke en Elisa naor Lisa toegaan um te vraogen wat er wal an de haand is.

Toen Marieke en Elisa vreugen wat Lisa har, zee ze dat ze verliefd was op Kay. Marieke en Elisa zeden: 'KAY!!!!'

Lisa zee: 'Ja, Kay, hoezo?'

Marieke en Elisa zeden dat Lisa echt naor

Kay toe mus gaon um hum verkering te vraogen. Maor Lisa had er een apart gevuul bij.

Maor oeteindelijk antwoordde Lisa.....'Good, maor wanneer dan?'

'Jao, Uhhhh, in de pauze of zó.'

Maor ja, eerst hebt ze nou nog les.

Toen was het pauze, dus Marieke, Lisa en Elisa gungen naor boeten en ja heur, daor stun Kay.

Marieke en Elisa zeden: 'Lisa gao naor hum toe!'

Lisa antwoordde: 'Nah, ik weet het niet heur, ik duurft niet.'

'Lisa, je moet het echt een keer doen, aans doe wij het veur je!'

'Good, ik doe't wal.'

Lisa trök heur scholders op en leup op Kay of. Toen ze oeteindelijk naost Kay stund vreug ze: 'Kuj evenpies kommen?'

Kay en Lisa leupen een eindtie wiederop naor het voetbalveld waor het rustig was en toen zee Lisa: 'Ik vind je leuk, al een hiele zet.'

Waorop Kay antwoordde: 'Nou, ik vind jou eigenlijk ok wal leuk.'

Toen zee Lisa: 'Hoezo vuul der een envelop oet je tas waorin stun daj 100 euro terug mussen betaolen an een aander persoon?'

'Nou,' zee Kay, 'ik wol je nog vraogen um met te gaon naor het

wereldrestaurant, umdat ik je dus leuk vind, maor ik har gien geld en dus kun ik het tiedelijk lienen van een kammeraad. Ik moet het wal weerum betaolen.

Maor gaoj mörgenaovend met? Dan haol ik je um 7 uur op.'

Lisa zee: 'Wooww, dit ha'k echt niet verwacht. Tuurlijk gao'k met. Maor zal ik aans het geld weerum betaolen?' 'Nee, dat huuf niet, dat doe ik wal,' zee Kay, 'good, dan zie'k je mörgen um 7 uur in het ziedstraotie bij je huus?'

'Oké,' zee Lisa, 'tot mörgen dan.'

Lisa leup weerum naor Marieke en Elisa en die vreugen 'En, hoe gung het?'

Hij vund mij al leuk, ik hum ok,' zee Lisa, 'en die envelop is umdat e veur mörgenaovend 7 uur een etentije regeld hef.'

'Yes, goedzo!' reageerden de vriendinnegies.

Oeteindelijk hebt Lisa en Kay verkering kregen.

Alles is good oflopen en ze leefden nog lang en gelukkig.

